

UNE UNITÂT DIDATICHE : IL TARAMOT IN FRIÛL DAL 1976

Chest an, chest argument al à une vore di impuartance, parcè che al cole il cuarantesim aniversari, ven a stâi "Il taramot in Friûl dal 1976".

Chest argument si preste a sei frontât di tancj ponts di viste o, come che o disin nô insegnants, al è "trasversâl", al po cjapâ dentri in cualchi maniere dutis lis dissiplinis.

I fruts a àn rispuindût ben, a jerin interessâts une vore. L'argument "taramot" al cjape dentri dutis lis dissiplinis, come che si pues viodi te mape che o ai preparât sot. Ciertis dissiplinis mi interessave di svilupâlis plui di altris parcè che a son ancje chês che o ai di scugnî fâ te scuele. Mi à zovât tirâ fûr notiziis dal materiâl scrit dal professôr Pascolini e publicât de bande dal ex Consorzi Universitari. Mi è plasût une vorone meti adun lis testimonianceis dai parincj dai fruts sul taramot: al è vignût fûr un "caleidoscopi" di fats e emozions diferentis tra lôr. No par ultin mi interessave fâ sintî ai fruts che a voltis la cognossince e permet di superâ o di evitâ i grancj pericui che a vegnin dai taramots. insegnant ae fin lis manieris di imparâ a frontâ chestis calamitâts inte maniere plui razionâl pussibile, cun ducj i sistemis di prevenzion che si puedin doprâ.

La educazion ae prevenzion al è un aspjet educatîf impuartanton.


No ai volût trascurâ, viodût che o fâs talian, l'aspjet dai sentiments e des emozions, fasint sintî la poesie di Zanier da "l'Orculat"; par finî ju ai sburtâts a esprimi i lôr sentiments in forme di "poesie", naturalmentri semplice e spontanee.

O sviluparai l'argument duncje di plui ponts di viste, storic, gjeografic, sientific, leterari, artistic curant ancje l'aspjet de prevenzion, come che si viôt ancje intal scheme chi sot.

SCUOLA PRIMARIA "C. BATTISTINI" CESTINA

A.S. 2015-2016

SCHEME DI LAVÔR



TARAMO
IN FRIUL
6 MAI
1976

Classe terza

Anno scolastico 2015-2016

Scuola primaria di Lestizza

EDUCAZION AE SIGURECE - PREVENZION

EDUCAZION AE SIGURECE - PREVENZION

Vê pôre dal taramot al è normal ! Ma la pôre no à di impedînus di operâ intal mût plui sigûr. Par chest a son impuartantis dôs robis: cognossi il puest indulâ che si vîf e restâ plui calms che si pues, ançe intes situazions difficilis.

Lis 10 regulis salveint

Lis regulis a judin a no pierdi il cjâf, a schivâ pericui inutii e a ridusi i dams.

1 - PAR TALIAN	PAR FURLAN
Se siete a casa o a scuola, non uscite mentre c'è la scossa di terremoto: aspettate che sia finita.	Se o sês a cjase o a scuele, no stait a provâ a lâ fûr intant de scosse di taramot: spietait che e sedi finide.
	

2 - PAR TALIAN	PAR FURLAN
Riparatarsi sotto una tavola o un banco: vi protegge dalla caduta diintonaci, mobili o lampadari.	Lait a riparâsi sot di une taule o dal banc: us protezarà dal colâ dai rudinaçs, mobii o lampadaris.
	

3- PAR TALIAN

PAR FURLAN

Podete riparavvi sotto la porta di un muro maestro (cioè un muro grosso e sicuro).

O podêš riparasi inte lûs di une puarte di un mûr maestri (ven a stâi un mûr penç e salt).



4- PAR TALIAN

PAR FURLAN

Non usate mai gli ascensori: la corrente elettrica che li fa funzionare potrebbe interrompersi bloccandovi dentro.

No stait a doprâ mai i assensôrs: la corint eletriche che ju fâs funzionâ e podarès interompisi, bloccantjuss dentri.



5- PAR TALIAN


PAR FURLAN

Se siete all'aperto, state lontano dai muri delle case: potrebbe cadere coppi, cornicioni o camini.


Se o sêš adaviert, lait lontan dai mûrs des cjasis: a puedin colâ cops, curniçons o cjamins.



6- PAR TALIAN	PAR FURLAN
State lontin dai alberi, dai lampioni, dai fili della luce: potrebbero cadere.	Stait lontan dai arbuî, dai lampions, dai fîlî de lûs: a podaressin vignî jù.



7- PAR TALIAN	PAR FURLAN
Un altro luogo abbastanza sicuro può essere l'angolo di una stanza fra due muri maestri (muri che danno verso l'esterno per esempio.)	Un altri lûc avonde sigûr al pues jessi il cjanton di une stance jenfri doi mûrs maestris (mûrs che a dan viers l'esterni, par esempi).



Parcè intant di une scosse isal miel no restâ tal centri di une stance?

Parcè che si podarès vignî ferîts dal colâ di lampadaris, smaltadis, veris o alc altri.

8- PAR TALIAN	PAR FURLAN
Non fermateri sotto o sopra ai ponti.	No stait a fermâsi sore o sot i puints.
	

9- PAR TALIAN	PAR FURLAN
Non usate le scale mentre c'è una scossa: a volte sono la parte più debole della casa.	No stait a doprâ lis scjalis intant de scosse: a voltis a son la part plui debule de cjase.
	

10- PAR TALIAN	PAR FURLAN
Cercate un posto dove non avete niente sopra di voi che possa cadere.	[↑] Cîrît un puet dulà che no vês nuie parsore di vualtris che al puedi colâ.
	

Parcè intant di une scosse isal miei no restâ tal centri di une stance?


Parcè che si podarès vignî ferîts dal colâ di lampadaris, smaltadis, veris o alc altri.

CJASIS ELASTICHIS


Il **riscjo sismic** se o sêș ator intun prât al è ...zero, parcè che no jessint li robis che a puedin rompisi, al è impossibil fâsi mâl. Il taramot in se nol cope. Si àn tantis vitimis par vie soregut dal sdrumâsi di cjasis, puints e stradis.

CE SUCEDIAL AES CJASIS?

Il taramot al fâs dindulâ lis cjasis di ca e di là, ancje in orizontâl. Se une cjase no je stade progetade par resisti a chestis fuarcis laterâls,alore e pues vignî jù come un cjiscjel di cjarte. I elements de cjase che a resistin miôr a son solârs e trâfs (orizontâi) e pilastris o mûrs maestris (verticâi) e a son unîts tra di lôr.



Il taramot al fâs dindulâ lis cjasis
di ca e di là, ancje in orizontâl.




Intes zonis sismichis (i puescj dulà che al è probabil che a vegnin taramots) lis gnovis cjasis a devin jessi fatissu in maniere adate. Cui che li sfabriches, al scuën rispjetâ lis regulis **antisismichis** (ven a stai antitaramot). Chestis regulis a disin cemût disegnâ la plante de cjase, cuâi materiâi doprâ, cemût fale su. Dut par fâ in mût che in câs di scosse i abitants a sedin al sigûr. **Une cjase antisismiche e podarà jessi ruvinade, ma no dovarà mai colâ sul cjâf dai siei parons.**

E lis cjasis vieris? Lis cjasis vieris a van curadis, cun restauris, intervients di rinfuarçament des strutturi e **controi continuis**.

SIENCIS

ORIGINIS E CAUSIS DI UN TARAMOT


La tiere e je un fate plui o mancul come un ûf dûr. Il teren sot dai nestris pîts si môf di continui. La **croste** che e forme i continents e il font dal mâr e je rote in plui tocs. Chescj tocs un mont grancj si clamin **plachis**. Ancje se a somein fermis, si spuestin planc planc!




Se taìn la Tiere in doi, intal centri, propi come intai ûfs dûrs, al è un **nucleo** dûr, cjalt tant di fâ pôre. Po al è un strât clamât **mantel**, di cret in bore e penç. Sore dal mantel a poin lis **plachis**, cui **continents e i mars**. Il calôr al cree moviments dentri dal mantel e di consequence ancje lis splachis si movin.

Cemût si movino lis plachis?

Cuant che lis splachis si sburtin une cuintri di chêt altre al è tant che une gare di braç di fier. Par agns, secui o mileins nol sucêt nuie, ma dut intun... Alc al cêt. Di cualchi bande sot tiere il cret si romp, liberant une fuarce imense che e rivarà fin al nivel de croste e e fasarà tremâ dut... ancje nô. Chest patatrac si clame **taramot** e lis spacaduris dal cret si clamin **faglie**.



Il strument par misurâ i taramots si clame **sismograF**




Di fat a son taramots grancj, piçui e cussì cussì: a ognidun si pues dâi un ordin di grandece, seont un sisteme inventât di siôr **Richter**. La **Richter** e ie un sisteme par misurâ la energie dai taramots (**MAGNITUDO**). Par esempi, la magnitudo 3 e je 30 voltis plui grande da la 2, che e je trente voltis plui grande da la 1.

Trente voltis Trombetta

Viodin se il sisteme Richter al è sul seri une scjale. Fasèt fente che Trombetta al sedi un taramot (a voltis al è par dabon). Metinlu sul scjalin plui bas, parcè che al è un taramot piçul. Par podè stâ sul scjalin dopo, Trombetta al à di aumentâ di ben trente voltis.

E podopo di altris trente voltis par stâ sul scjalin seguint. E cussì vie: scjalins pluitost stranis! Di fat la Richter, plui che une scjale e je un sisteme mathematic par misurâ la magnitudo (la energjie) dai taramots. Il piês taramot vignût su la Tiere nol à superât la magnitudo 9. Ma se i pensais, al veve di jessi dal sigûr ciclopico!




Il sisteme Richter al calcole la energjie di ogni taramot e le clame magnitudo. Par esempi, la magnitudo 3 e je 30 voltis plui grande da la 2, che e je trente voltis plui grande da la 1!

La intensitât di un taramot si misure invezit cu la **scjale Mercalli**, cheste e misure i efets su personis e robis e va di un a dodis.


IPO ed EPI

I TARAMOTS a àn origin sot tiere; chel pont là che à scomencin si clame **ipocentri** : al è lì che i crets si rompin. L'**epicentri** invezit al è il pont de creste de Tiere propi parsore dal ipocentri. Al è lì che si àn i dams plui grancj aes personis e aes costruzions.



La **fuarte scose di taramot** dal 6 di mai dal 1976 e misurave 6,4 di magnitudo (de scjale Richter) e X° de scjale Mercalli. Il mont San Simeon, al fo indicât come epicentri e al è diventât par ducj il simbul da l'Orcolât, ven a stai l'orcul associât ai taramots

GJEOGRAFIE




Mappa della sismicità registrata in Friuli Venezia Giulia dal 1977 al 1999

I studis sismologjics

La funzion principâl di une ret sismometriche e je che di meti in evidence intai particolârs lis zonis là che a dan origine ai taramots e di misurâ la energjie che butin fûr. In bande e je le mape dal Friûl Vignesie Julie cu la sismicitat regjistrate tai 21 agns di funzionament de ret.

In dut a son stadis regjistradis cirche 13.000 scossis, che ca a son segnadis par nivei di intensitât. Si viôt che il Friûl centrâl al è plui sismic e ancje dongje Claut e Bovec in Slovenie. In ta planure lis scossis a son stadis dutis di pocje intensitât.

IL FRIÛL SISMIC



Ann. 4.200 - Numero 100 - 1.000
 Direzione: viale dell'Industria 10
 Tel. 0432/451111-112
 Telex 320000 - 320001
 Abbonamenti: viale dell'Industria 10
 Tel. 0432/451111-112

Messaggero Veneto

Stampato e distribuito in Friuli
 e Venezia
 Abbonamenti: viale dell'Industria 10
 Tel. 0432/451111-112
 Telex 320000 - 320001
 Abbonamenti: viale dell'Industria 10
 Tel. 0432/451111-112

Catastrofico terremoto in Friuli

ALLE 21 UNA SCOSSA SISMICA DELL'OTTAVO GRADO DELLA SCALA MERCALLI HA DEVASTATO MAIANO, BUIA, GEMONA, OSOPPO, MAGNANO, ARTEGNA, COLLOREDO, TARCENTO, FORDARIA, VITO D'ASIO E MOLTI ALTRI PAESI DELLA PEDEMONTANA. GENEROSA OPERA DI SOCCORSO PER ESTRARRE LE VITTIME DALLE MACERIE. A UDINE E IN TUTTI I CENTRI DELLA REGIONE UNA NOTTE DI PAURA E DI VEGLIA ALL'APERTO. L'ALBA CI MOSTRA I SEGNI DELL'IMMANE DISASTRO



Ai 6 di Mai dal 1976, a lis 9 di sere, il Friûl al fo strucât di une fuarte scjassade di **taramot**, l'orcolat che al jere za inte memorie dai furlans.

L'epicentri al fo locât intal comun di Glemone, e cheste aree e fo la plui colpide; Glemone, Montenars, Vençon, Osôf, Majan e tancj altris comuns a deventarin famôs purtrop pe distruzion cuasi totâl. I muarts in dut a forin 982, lis personis coinvoltis, restadis cence un tet 60.000 . Lis scossis continuarin par plui mêis, rindint lis condizions di chei puescj un grum duris, in particolâr in Setembar, cuant che ai 11 e ai 15 si registrarin scossis fin al VIII grât de Scjale Mercalli. Ma ancje se i esperts a disevin che si veve di mandâ la int a vivi in gnovis citâts dongje Udin, i furlans no i croderin mai e pensarin subit a tornâ a fâ sù paîs, fabrichis e glesiis dulà che a jerin prime di chê volte.



Dopo le fuarte scosse lis liniis telefonichis e eletrichis a saltarin ma, in grazie de rêt dai radioamatôrs, di subit, **dal rest de Italie e dal forest – soredut dulà che e jere une presince fuarte di furlans – a rivarin aiûts e socors: l'esercit e i vigjii dal fûc talians judâts di chei dai altris paîs – Austrie, Gjermanie Federâl, Canada, USA –, la Crôs Rosse, la associazion dai alpins e altris ents umanitaris ma ancje personis singulis si derin dongje a dâ une man ai furlans che, ancje se provâts pes pierditis patidis, si jerin tirâts sù lis maniis par frontâ il disastri.** A rivarin bens di prime necessitât, come cuviertis, medisinis, robe di mangjâ, aghe, vistîts; si tirarin sù ospedâi di cjamp e mensis; si montarin **18.000** tendis par dâ un cuviert a chei **116.000** che a jerin restâts cence cjase.

Purtrop, **il taramot al tornà ai 11 di Setembar cun dôs scossis, dai 5,1 e 5,6 Richter, e ai 15 cun dôs ancjemò plui fuartis, di 5,8 e 6,1 di intensitât.** Par chest, ancje se di fat si fevele simpri di taramot dal Friûl dal 1976, par coretece si varès di tabaiâ di taramots dal Friûl e pal 1976 di an dai taramots.

Dopo lis scossis di Setembar i furlans a pierderin ogni sperance di tornâtes lôr cjasis in curt.

Tal Unvier di chel an plui o mancûl 80.000 personis a vignirin foladis in diviers centris de region e un 35.000 a cjatarin ricet tai albierts des localitâts di mâr, come Lignan . Tai comuns taramotâts a forin tiradis sù, cuasi simpri dongje dai paîs distruts, une desene di “baracopolis” fatis di cjasis prefabricadis e barachis.

La ricostruzion definitive e fo caraterizade de decision di tornâ a fâ sù i paîs e lis cjasis cemût che a jerin e dulà che a jerin prime.

In ogni cās, no si à di dismenteâ che, i Furlans a àn mostrand a dut il mont une grande dignitât e un caratar fuart, di int che no mole mai, di pocjis peraulis ma che e lavore e si da da fâ, come che al vûl intindi il sproc o "**fasìn di bessôi**".

I furlans a son vignûts fûr di chê experience diferents no dome tal cuarp, tal teritori, ma ancje te anime. A àn capît la impuartance e il valôr de solidarietât.

La lezion che si pues imparâ dal taramot dal Friûl e je che, intune situazion di catastrofe, no esistin fenomens che no si puedin controlâ, che cierts efîets, ancje grâfs, si puedin evitâ se si sin preparâts par timp par controlâju. Propit daûr di chest principi e je nassude la Protezion

civil in Friûl Vignesie Julie e, su chel model, chê nazionâl.."



STORIE

ARLÊF.....

INTERVISTE AI NONOS, GJENITÔRS, PARINCJ O ALTRIS SUL TARAMOT IN FRIÛL DAL 1976

Cognon e non da l' intervistât:

- 1) Dulà jeristu la sere dai 6 di Mai dal 1976, cuant che e je stade la scosse des nûf di sere?
- 2) Ce jeristu daûr a fâ?
- 3) Ce sensazion âstu vût di chel che al succedeva (rumôrs, moviments dal teren o de cjase)?
- 4) Ce âstu fat? Cemût âstu reagjît?
- 5) Ce àno fat chei altris che a jerin cun te?
- 6) Ce emozions âstu vût?
- 7) Aie vût dams la tô cjase o chê dai tiei parincj?
- 8) Cemût âstu vivût dopo de scosse? Durmivistu in cjase, difûr o inte machine?

- 9) Ti aial parût che dopo il taramot al fos cambiat alc intal rapuart tra lis personis? Isal rivât cualchi ospit cjase tô?
- 10) Ce consei daressistu a chei che no an mai vivût il taramot?
- 11) Se tu vuelis, tu puedis contâ cualchi episodi che ti somee impuartant o che ti à cjàpât in maniere particolâr

RICUARTS DI CHÊS ZORNADIS

"Il dì dopo de scosse o soi lât a viodi i puescj plui tocjâts dal taramot e o soi restade scaturide e inguside." (La none di Noemi)

"Chê sere, intant che o jeri tal bar, in place, cui miei amiis e je sucedude une robe stranie: e jere rivade une gjaline, scjampade di li dongje, che e deve di mat e berlave fuart e dopo cualchi secont... cjo... al è rivât il taramot. Chest al dimostre trop sensibii che à son i animâi! Une altre robe che mi à capitât simpri chê sere, ma cheste une vore biele, e je che propite chê sere o ai cognossût Vania, che dopo e je diventade la mê femine. " (Il nono di Angelica)

"Mi ricuardi che ai 6 di Jugn dal 1976 jo e to nono o vevin di sposâsi intune piçule gleseute a Tarcint, ma stant che il taramot le à sdrumade, o vin vût di cambiâ il puest dal nestri matrimoni." (La none di Thomas)

"La sere dai 6 di Mai o jeri a viodi un film western inte sale dal cine di Morteau, cuant che a un ciert pont, o ai sintût un rumôr fuart e alore ducj o sin lâts fûr, ma no jerin spaurîts, tant che o sin tornâts dentri par finî di viodilu. Nome dopo, cuant che o sin tornâts cjase a Talmassons, si sin preocupâts, parcè che dute la int e jere in place, spauride." (La none di Mattia Tr.)

"Simpri tal '76, a Setembar, al è stât un secont taramot. La scosse plui fuarte le vin sintude aes undis di matine. In chel o jeri in place a Listize e o ai podût viodi lis cjasis drindulà di ca e di là, alore o ai vût tante pôre." (Il nono di Cristian)

O sin lâts tai pâis colpîts dal taramot par dâ une man. O jeri une vore avilît a viodi ducj chei muarts sot des maseriis. Di lavôr o fâs l'idraulic e duncje o ai judât metint docis e fasint il riscjaldament tai locâi, parcè almancul cussì chei che a jerin restâts cence cjase, a podevin lavâsi e cambiâsi. (Il nono di Michele)

"La int dopo de scosse e veve pôre, no voleve tornâ dentri tes cjasis, e restave pe strade a fevelâ di chel che al jere sucedût e e preparave lis tendis par lâ a durmî". (La none di Giorgia)

"Mi visi che il gno cjan, za te matine, al veve rote la cjadene e al jere scjampât, lis vacjis te stale a jerin smaniosis; di fat i miei gjenitôrs mi vevin spiegât che i animâi a sintin il taramot prime che al vegni." (La mari di Tosca)

"I contadins a disevin che i cjamps a fasevin lis ondis come il mâr" (La mari di Elia)

"O jeri daûr a lavorâ intune fabriche di piels, cuant che e je rivade une scosse fuarte, duncje nô

torri chiese e storia

e di parâ in maserias e di ridurre in macerie

bicocas e cjascjei bicocche e castelli

e come un zôc di cjartas e come un gioco di carte

i paisuts dai cjargnei i paesetti dei carnici

Oh se il teremot

al fos un drâc

platât dismenteât

vivarôs e lusint

che sot via al va sgarvant

ora presint

par fâ sprofondâ

citâts e marans

e ca e là a so caprici

las cjasas dai furlans...

Oh se il terremoto

fosse un drago

nascosto dimenticato

vigoroso e fiammeggiante

che sottoterra va scavando

in questo momento

per far sprofondare

città e casali

e qua e là a suo capriccio

le case dei friulani...

Oh se il teremot

al fos un macarot

pelôs e gras

vuarp e bigot

ch'al va sdrondenant di not

cjadenas e tets

e cuant ch'ai peta

come scorias

las cjapa cun dôs mans

e 'l para in frucons

i paesi dei terroni

Oh se il terremoto

fosse un folletto

peloso e grasso

cieco e bigotto

che va sbatacchiando di notte

catene sui tetti

e quando gli gira

come fruste

le prende con le mani

e ti riduce in briciole

i paesi dei meridionali..

Massa biel

Troppo bello

s'al fos cussì

il teremot

che aloraostarès

di aga santa un spargot

e di San Zorz il spiçot

se fosse così

il terremoto

che allora basterebbe

di acqua santa una spruzzata

o di San Giorgio la lancia app

Significât de poesie: il poete al dîs che al sarès masse biel se il taramot al fos un orculat, o un drâc o un maçarot parcè aloreostarès “di aga sante un spargot e di San Zorç il spicot” e dut al sare comedât.

UNE SERADE PAUROSE

E je la sere dal 6 di Mai,

dut al è cuiet,

une scosse e romp la pâs.

Int che cîr di parâsi.

Int che côr.

Int che busine.

Cuant che la lûs e torne,

si scuvierç ce che al è sucedût.

Int che sofrîs.

Int che a cjate amis

di cûr.

Ma in cualchi cjase ,

il cidinôr al è pesant.

Sperin che chest taramot

al puarti almancul la solidarietât. (Arianna e Sofia))

TARAMOT, TARAMOT

Taramot, taramot,
sêstu un draç o sêstu un troll?

Tu as devastât ancje il Friûl,
ma il piês al è
che tu às fat tantis vitimis
sot lis maseriis.

Tu às sdrumât tantis cjasis
e tu às crevât tancj cûrs. *(Elia e Samuele)*

IL TARAMOT

Mi àn contât dal taramot...

Robis teribilis,
a son muartis tantis personis
a son restadis cence cjase...
cetantis.

O pensi a lis brutis emozions,
a la pôre dai piçûi,
a lis maris e ai paris
che àn pierdût i lôr fîs.

O pensi che al sedi stât brut
par ducj
ma soledut pai taramotâts. *(Giorgia, Elisabetta, Giulia)*

IL TARAMOT

Il taramot al sdrume cjasis, paîs e citâts

e la int e scjampe di ca e di là.

La int e busine, e pree e vai

cul cûr rot,

parcè che a son muarts parincj, fîs e gjenitôrs.

Tancj a son restâts soterâts sot lis lôr cjasis.

Il taramot al sdrume i cûrs

ma une robe biele e je...

lis personis si judin tra lôr

e si vuelin plui ben. *(Vanessa, Noemi, Laura)*

CHE ZORNADE DAL SÎS DI MAI

Che che e jere une biele zornade,

il 6 di Mai dal 76,

ae diventade di bot un cjalcjut.

A jerin camins che si alçavin

e po dopo a colavin,

terens che a movevin come lis ondis,

arbui che someavin nizui,

cjampanis che a sunavin di bessolis.

Tancj a son las a judâ

in tai paîs plui ruvinâts.

Di une robe brute, brute,

je nade une robe biele, biele. *(Alice, Precious, Elisa)*

SO PENSI CHE ZORNADE

Il sîs di Mai al è stât un cjalcjiut par ducj i furlans, a son muartis tantis personis, par colpe dal taramot.

Tancj a àn contat storiis e contis sui lôr muarts. Jerin storiis spaventosis e brutis. I taramotats non vevin cjasis antisismichis al è par chel che a son muarts cussì tancj.

Mi displâs tantissim.

Lis personis àn patît tant che brute zornade. *(Doria)*

I DISSENSI DAI FRUTS:







PAR RICUARDÂ LIS VITIMIS DAL TARAMOT...un test che nol po che comovi intensementri:

BUINE GNOT AMÔR

“ E je une serade cjalde, di un mê di Mai sflandorôs, e pues semeâ une zornade come chês altris, ma nol è cussì. Chei 6 di Mai dal 1976 no si podaran dî “cualuncue”. Sot sere, lete une storie de Biblie, o saludi lis mêis dôs frutis... “Buine gnot Adriana, buine gnot Ada!” e ur doi une bussade. Ada, la plui piçule, timidute, ninine, scuindintsi sot de plete mi dîs: “Mame, no tu âs di dîmi: Buine gnot Ada, tu âs di dîmi BUINE GNOT AMÔR!” Chestis a son lis ultimis sôs peraulis ... Une grande sdrondenade e spache la tiere, ator ator a colin robis, mobillie, parêts... dute la cjase si sdrume parsore di nô. I minûts a son oris, l’aiar al mancje, il cidinôr ator ator al dure masse a lunc... In chel trambust, nome la vôs spauride di Adriana mi clame... Chê clipe serade di Mai e devente, dal dit al fat, gnot di frêt, pôre scûr e dolôr. O sint i sgrisui jù pe schene: nol è il patî dal gno cuarp che mi fâs trimâ, ma il rindimi cont di ce che al è sucedût... No soi rabiose, no soi avilide, ma vueide, come un arbul di Primevere cence fueis e flôrs... il burlaç mi à gjavât dut. Un toc di me al è restât in chê cjase sdrumade... il gno cûr. Ma in chê gnot e inte vite une stele e la fede mi à judade a vivi. “

(test dât dongje dai fruts di cuinte dopo vê scoltade Gjeme la Mortane, femine di Vençon).